

國家圖書館藏

中華歷史人物別傳集

綫裝書局

忠孝錄

侯煒謹題

同治戊辰仲寒
朔于漢陽官廨

同治十年十一月二十日內閣奉
上諭給事中謝增等奏知縣殉難懇請
予諡一摺已故揀發湖北委用知縣
王恩綬於咸豐五年防守省城殉難
業經奉

旨優卹並准建祠茲據該給事中等奏稱
該故員死事甚烈援案懇請予諡等
語王恩綬著加恩准其予諡欽此內
閣撰擬諡號奏奉
御印鈐出武愍欽此

同治五年八月十三日内閣奉

上諭御史汪朝榮奏棟發湖北委用知縣
王恩綬前在武昌省城內陣亡業經奉
旨優卹惟該故員並無守土之責履險蹈危
毫無趨避其子燮及家人丁貴吳福壽

同時巷戰殉難父忠子孝足振頽風援
案懇請建立專祠等語著照所請准於
江蘇無錫縣本籍自行建立王恩綬專
祠伊子王燮及家人丁貴吳福壽一併
附祀以彰忠節該部知道欽此

御製碑文

朕惟捐軀殉節人臣據報國之忱表
墓酬庸策府重褒忠之典偉烈無慙
青史彝章用賁丹珉爾棟發湖北委
用知縣王恩綬性秉堅貞才儲幹濟

高擢桂林之秀名記登科廣傳槐市
之經職司教習三年考績百里分符
當鄂疆筮仕之初正粵寇跳梁之日
妖氛塞路難衝豕突之圍幕府需才
願藉鷹揚之策爾乃恥留屬邑誓入

危城懸布以登軍民感泣投戈徑赴
寮吏傾心蹈白刃以何辭矢丹忱而
益奮最是兒能肖父孝本乎忠更憐
僕亦知兵勇生於義惟期死守爰灑
涕以登陴不願生還竟櫻鋒而致命

殊榮特錫五馬增輝遺烈猶存羣黎
頌德既專祠而昭異數復易名以慰
忠魂狀厥生平謚曰武愍於戲烈傳
馬革英姿增日月之光勲紀龍文亮
節壯風雲之氣欽茲寵命永峙豐碑

奉

天承運

皇帝制曰朝廷鉅典昭忠重
百折不回之志臣子鞠躬
盡瘁淬九死無貳之心堅

貞之節常留贈卹之加宜
渥爾揀發湖北知縣王恩
綬讀書紉道植學明倫名
既登乎乙科教克勤夫宗
冑拜綽章而作宰外秩新

膺捧毛檄以服官楚氛方
熾危城縋入登陴則履險
如夷狂寇當前報國則致
身不惜特昇絲綸懋賞俾
邀竹帛殊榮茲以爾在湖

北省城殉節加贈爾為知
府銜於戲蓋惻彌彰優賚
重泉之光寵嘉謨永式清
流後葉之茲芬用賁旌揚
良深軫恤

奉

天承運

皇帝制曰臣子誼篤致身矢
肫忱而匪懈國家念矜宣
力昭亮節以彌光蓋勤既

著夫桃弧贈卹宜隆以竹
帛爾議敘從九品王燮微
員職備大義心明奉親命
以隨征值寇氛之警楚懷
慨壯守陴之氣手挈長纓

劬勞竭報國之誠躬臨險
地見危授命成仁無忝乎
成人從父捐軀盡忠復兼
以盡孝特沛旌揚盛典俾
膺綸綍殊榮茲以爾在湖

北省城殉節加贈爾為縣
主簿銜於戲寵賁重泉如
拜及身之賜賞延累襁還
數任子之恩用示褒嘉彌
殷軫恤

奏為殉難知縣建立專祠據情籲懇

天恩列入祀典恭摺具陳仰祈

聖鑒事竊據湖北布政使林之望詳據升補沔陽州知

州王庭楨稟稱該員故父王恩綬由道光己酉科

舉人左翼宗學教習揀發湖北委用知縣於咸豐

五年防守省城殉難業蒙奏奉

諭旨予諡武愍卹贈知府銜賜祭葬國史館立傳給予雲

騎尉世職入祀昭忠祠並准於殉難及原籍地方

奏

一

各建專祠嗣經鄂省紳士暨該員先後在於湖北

省城內及原籍江蘇無錫縣西門外各購基地遵

旨修建專祠現已工竣適恭讀卹抄得悉河南羅山縣知

縣張鴻在服官省分稟請將前任湖北漢黃德道

張汝瀛原籍山東樂陵縣專祠列入祀典經河南

撫臣奏蒙

允准在案該員之父事同一律稟請援案轉詳

奏懇將殉難及原籍地方各專祠照例列入祀典春

秋致祭等情由司詳請會

頭品頂戴湖廣總督臣李瀚章
湖北巡撫臣翁同爵 跪

奏前來臣等伏查各直省忠節諸臣奉

特旨建立專祠者例得每歲由地方官春秋致祭今該故

員王恩綬專祠係奉

特旨建立據其子稟請列入祀典春秋致祭核與定例相

符且與所援河南

奏案情事亦同合無仰懇

天恩俯准將該故員王恩綬原籍江蘇無錫縣及殉難

之湖北省城建立各專祠

敕部照例列入祀典春秋致祭以慰忠魂謹合詞恭摺

奏

二

具

奏伏乞

皇太后

皇上聖鑒訓示謹

奏光緒元年四月初六日

軍機大臣奉

旨著照所請該部知道欽此

禮部謹

奏為議覆鄉賢事禮科抄出江蘇巡撫張樹聲會同

兩江總督李宗羲江蘇學政彭久餘疏稱已故湖

北揀發委用知縣王恩綬立品端方持躬謹慎請

入祀鄉賢祠奉

旨該部議奏欽此欽遵到部查例開崇祀鄉賢該督撫

會同學政每年八月前具題並將事實冊送部詳

核於歲底彙題應確核事蹟倘名實不能相副及

僅以人品學問空言譽美者即行指駁行令該督

奏

撫詳實查覆等語今該撫等送到事實冊內開已

故湖北揀發委用知縣王恩綬江蘇無錫縣舉人

幼有至性庭闈愛敬如成人丁母憂哀毀骨立水

漿不入口者三日父病日夜侍衣不解帶父不覺

其疾之苦及父卒哀毀如喪母事叔父母及兄嫂

均誠敬不衰研求理學以躬行實踐為本品行端

方不取一非義財果於任事戚友有急難必多方

籌之如已事咸豐五年以知縣揀發湖北至則武

昌被圍城閉不得入時胡林翼以藩司督兵駐城

外留之不可於二月十六日縋而入守北城十七

日城陷率子燮及僕巷戰死之等語臣等公同查

核所有該督撫等請將王恩綬入祀鄉賢祠之處

係屬名實相副應請准其入祀鄉賢祠恭候

命下臣部行文該督撫等遵行所有臣等遵議緣由援

照成案改題爲奏爲此謹

奏請

旨

同治十三年十二月二十七日奉

奏

旨依議欽此

奏爲故員死事甚烈援案懇

恩予諡以昭激勸而彰忠盡恭摺仰祈

聖鑒事竊已故知縣王恩綬係江蘇無錫縣舉人考取

教習揀發湖北委用知縣於咸豐五年二月殉難

奉

旨優卹建祠欽遵在案

朝廷褒忠獎節風勵羣倫固已有加無已曷敢再有

瀆陳况

奏

賜諡例有明文該故員職僅知縣與例亦屬不符惟念

王恩綬砥行立名見危授命其赴湖北也賊踞漢

口省城閉門戒嚴有勸其緩行者弗顧及抵鄂前

巡撫胡林翼時以藩司督兵城外畱之隨營又弗

聽率一子二僕縋城而入前巡撫陶恩培以下咸

爲驚歎以其無守土責檄赴藩司營復不可毅然

誓以死守偕知府多山同守北門賊從西門入與

多山及子燮率兵巷戰力竭均被殺故胡林翼請

卹摺內有履險蹈危毫無趨避父忠子孝足振顏

刑部知道
兵部知道
禮部知道
工部知道
戶部知道
刑部知道
兵部知道
禮部知道
工部知道
戶部知道
巡撫臣張之洞奏
光緒二十一年二月

風之語該故員以揀發人員效守土之義堅貞亮節至死不渝實不負平生所學不特與苟且偷生者判若天淵卽較之尋常殉難者尤爲慘烈伏覲軍興以來道府以下死綬諸臣其殉難最烈者雖與請諡之例未符經內外臣工

奏請如道員王壽同陳克讓知府金雲門鹿丕宗李載文知州李棟等莫不蒙

恩賜諡昭忠鉅典至渥至優今王恩綬大義炳然克效奇節而且子僕同殉視死如歸洵足扶翼綱常維

奏

二

持名教臣等籍隸江蘇知之甚確可否援案仰懇

天恩准予賜諡以昭激勸而彰忠盡出自

逾格鴻施爲此合詞恭摺具

奏是否有當伏乞

皇太后

皇上聖鑒謹

奏

奏再前揀發湖北委用知縣王恩綬於咸豐五年以舉人教習期滿奉

旨發往湖北以知縣差遣委用是時髮逆正踞漢鎮省城戒嚴該員不避危險率子議敘從九品王燮繩繩入城內外見者無不驚歎迨城陷時卽隨前撫臣陶恩培同日殉難業經

奏蒙

恩卹入祀昭忠祠並於原籍江蘇無錫縣建立專祠惟查

奏

一

該故員學行兼優素敵氣節入城之日僅隔城陷一夕其慷慨捐軀從容就義實爲識力堅定蹈道不渝至今合省士民同深欽仰據江夏縣在籍紳士曹樹鍾等公懇轉請

恩施准予死事地方捐建該故員父子專祠以順輿情等情前來臣覆覈無異謹會同湖廣總督臣李鴻章附片具陳伏乞

聖鑒訓示謹

奏同治八年十月十六日

軍機大臣奉

旨著照所請該部知道欽此

奏

二

奏爲請將殉難知縣

賜建專祠以妥忠魂仰祈

聖鑒事竊臣同鄉揀發湖北知縣王恩綬於咸豐五年

二月十七日武昌省城失守率其子燮及家人丁

貴吳福壽遇賊巷戰同時殉難當經前任湖北撫

臣胡林翼以履險蹈危毫無趨避父忠子孝足振

頽風等語入奏奉

旨交部從優議卹在案伏查王恩綬起家乙榜以揀發知

奏

一

縣赴楚適值大股賊至武昌城門已閉不得入時
胡林翼以藩司督兵城外畱恩綬隨營差委已爲
安排行帳該員決意進城率其子及家人縋城入
謁巡撫陶恩培武昌府知府多山皆驚歎不已謂
今世罕有此人城將陷撫臣陶恩培謂恩綬曰爾
係揀發人員無守土責盍出城隨胡藩司去該員
憤然誓以死守頃賊進城撫臣陶恩培殉節於黃
鶴樓恩綬衣冠單騎往哭賊大至偕知府多山率
兵巷戰死之子燮家人丁貴吳福壽同時被害伏

讀上年三月

上諭御史張盛藻奏請將殉難之員建立專祠並其妻

懇恩旌表建祠等語前署廣西龍英州州同李懋莘

於咸豐年間在太平龍州地方打仗陣亡業經從優

議卹該員之妻蔡氏痛夫陣亡投繯自盡節烈可嘉

著吏部照例旌表並准於湖北監利縣本籍自行建

立李懋莘及其妻蔡氏專祠以昭忠節欽此今王恩

綬以揀發人員並無守土之責乃從容結纓視死

如歸不特與草間偷活者判若天淵卽較之城亡

奏

二

與亡者亦分難易且忠孝一門僕從皆知赴義尤

足維持名教扶翼綱常楚北士民至今有言之流

涕者合無仰懇

天恩援照在京諸臣奏准成案俯准於江蘇無錫縣本

籍自行建立王恩綬專祠春秋遣官致祭其子王

燮家人丁費吳福壽一併附入專祠以慰忠魂而

愜民隱伏乞

聖裁謹

奏

奏爲查明湖北省節次陣亡殉難各員開單籲懇

恩卹恭摺奏祈

聖鑒事竊臣前因湖北省自咸豐二年以來節次剿賊

陣亡殉難各官紳因武漢屢經失守案卷無存未

能隨時查辦因恐忠義之蹟歷久湮沒無以勸臣

節而正人心飭令藩司設立節義局並飭各地方

官紳確查隨時詳辦嗣據藩司馬秀儒將查明之

前任隨州知州楊嘉運等彙案詳報經臣於上年

奏

一

十月初八日奏請

恩卹在案茲又據藩司馬秀儒查明揀發知縣王恩綬

等彙詳請

奏前來臣查該文武各官等奮不顧身見危授命但

知各盡其分非求身後之榮惟疊奉

恩旨飭查請卹仰見

聖慈優渥風勵羣倫正於表彰忠孝之中明示維持名

教之道使正氣獲伸於天壤則大義益炳如日星

謹繕具清單恭呈

湖北巡撫臣翰林翼跪

御覽仰懇

聖恩從優賜卹以勵大節而慰忠魂理合會同督臣官

文恭摺具

奏伏乞

皇上聖鑒訓示謹

奏

謹將湖北省節次陣亡殉難各員事實開具清單
恭呈

御覽

奏

計開

揀發湖北知縣王恩綬並其子議敘從九品王燮
係江蘇常州府無錫縣人於五年二月十六日抵
省緹城而入經前撫臣陶恩培委令在省巡城十
七日城陷與武昌府知府多山同時殉難該員履
險蹈危毫無趨避父忠子孝足振頽風應請加等
優卹

咸豐七年正月二十四日具奏三月初三日奉

硃批該部速議欽此

吏部謹

奏爲遵

旨議卹事查例載文職陣亡人員四品官以下未入流
以上照參領以下有頂戴官員以上議給雲騎尉
世職均襲次完時給予恩騎尉世襲罔替等語又
從優議卹人員按現任官階加一級議給世職其
限於例而不能越級辦理者經臣部酌議奏請比
照歿於王事人員之例各按官階給予贈銜等因
咸豐三年十二月二十五日奉

奏

旨允准在案今據湖北等省先後將陣亡殉難各員分

別奏請議卹從優議卹欽奉

諭旨交臣部速議應請將該故員王恩綬等分別議給

世職給予贈銜謹繕具清單恭呈

御覽至該故員應得卹賞祭葬銀兩俟

命下之日臣部移咨禮兵工各部照例辦理應得贈銜

誥命例由內閣撰給所有遵

旨議卹緣由伏乞

聖鑒訓示遵行謹

奏

計開

揀發湖北知縣王恩綬議敘從九品王燮據湖北
巡撫胡林翼奏請加等優卹_臣等擬請將該故員
王恩綬加贈知府銜王燮加贈主簿銜均議給雲
騎尉世職襲次完時均給予恩騎尉世襲罔替
咸豐七年五月二十一日奉

旨依議欽此

奏

二

禮部謹彙

題請

官事查定例內開文武官員陣亡者先由吏兵二部議
給廕卹得

旨後移文過部題請給與祭葬銀兩二品官全葬銀二
百兩一次致祭銀十六兩四品官全葬銀二百兩
一次致祭銀十二兩五品以下官全葬銀俱一百
兩五品官一次致祭銀十兩六品官一次致祭銀
八兩七品以下官一次致祭銀俱六兩以上無祭

疏

一

文又例載凡臨陣捐軀守土投命之文武諸臣以
及偏裨士卒赤心報國奮不顧身行查籍貫事蹟
交翰林院立傳入祀各本籍府城昭忠祠各等語
又咸豐三年十二月二十五日_臣部具奏酌議殉
難官紳分別請謚入祠一摺內閣奉

上諭前因各直省殉難官紳忠義可嘉深堪憫惻特飭
該部將應得卹典分別從優定擬茲據遵旨覆奏一
摺著照禮部所擬文職五品武職四品以下官員再
入祀陣亡地方府城昭忠祠等因欽此欽遵在案今

據吏兵二部陸續將奏准題准廢卹之文武官員

先後知照到部所有殉難揀發湖北知縣王恩綬

一員殉難議敘從九品王燮一員均經兵部遵

旨從優照營衛千總例議卹

臣

部亦應均照六品官陣

亡例題給祭葬銀兩應請將該故員王恩綬王燮

二員給與全葬銀各一百兩一次致祭銀各八兩

並請照奏定章程均入祀本籍及陣亡地方府城

昭忠祠恭候

命下

臣

部行文各該衙門遵照辦理再此本係彙題之

疏

二

件合併聲明

臣

等未敢擅便謹

題請

旨

咸豐八年十月十二日奉

旨依議欽此

兵部謹

題爲官員議卹事揀發湖北知縣王恩綬議敘從九

品王燮均請從優照營衛千總例各給卹銀壹百

伍拾兩謹

題請

旨

咸豐七年六月二十五日奉

旨依議欽此

疏

一

兵部侍郎都察院右副都御史江蘇巡撫^臣張樹聲謹

題爲公舉崇祀鄉賢循例恭疏具

題事據蘇州布政使恩錫詳稱據常州府知府吳鼎元詳據無錫縣知縣陳以垣詳准儒學教諭張雲生移據同知銜山陽縣教諭侯景暉甯甯縣教諭顧恩需五品銜金山縣訓導吳汝渤揀選知縣丁培同知銜河南候補知縣裴蔭梧同知銜候選知縣張宗沂候選教諭侯煒五品銜候選訓導楊傳國子監學正銜候選訓導周士錦就職訓導鄒光鑑

疏

一

薛元宇就職直隸州州判張鴻猷舉人楊昌祐恩貢生竇培拔貢生顧森書歲貢生龔人鏡廩貢生許珏附貢生高光照優廩生王元錫陶黼昇薛福祁泰寶璣廩生范鈞楊福宇孫亮祖沈錫光增生周士瀛附生秦榮梓嚴雲梯顧寬顧荃龔鈺周承敬竇維鑑章鈞章鎔竇鎮龔志良秦復培楊模汪本雲陶世鳳呈稱竊維祀莫大於瞽宗德莫先於庸行

朝廷之盛典汰其濫者必錄其遺里閭之輿情揚其清

者庶激其濁伏查殉難湖北揀發委用知縣王恩綬文章華

國孝友傳家學本致身臨大節不可奪責無守土乃殺身而成仁正己率人僕御猶知殉主義方教子佳兒不惜捐軀砥行立名見危授命荷易名之異數膺專祀之

殊恩在

聖朝勵獎臣忠固已至優極渥而鄉里夙欽賢哲允宜昭示來茲爲此繕呈該故紳事實冊結聯名稟請

疏

二

核辦等情到學據此該無錫縣學教諭張雲生核看得殉難湖北揀發委用知縣王恩綬窮理盡性砥行立名忠孝萃於一門僕從都無二志不求生於死地志士所以成仁能蹈險若坦途君子謂之知命惟寸心之獨是誠往哲之所難理合將呈到事實冊結照造清冊加具印結移請查核加具結看詳請入祀鄉賢俾毅魄英魂再沐

帝廷之雨露幽光潛德永馨

昭代之豆邊從茲祀事孔明益覺景行有自卽在凡民

俊秀亦知觀感而興等因到縣准此該無錫縣知縣陳以垣核看得殉難湖北棟發委用知縣王恩綬少敦庸行壯篤儒修既博學而希聖賢亦讀書而明義理見危授命忠臣本不顧身臨難捐軀孝子亦知殉父惟仁至斯義克盡卽身滅而名可傳合將移到事實冊結加具結看詳請轉核等情到府據此該常州府知府吳鼎元核看得殉難湖北棟發委用知縣王恩綬持躬嚴肅立品端方誠敬事親清廉律已學宮瞻仰見栗主而志切希賢故

疏

三

土烽煙遺兄書而士當死制迫至蹈危履險正氣卓著於鄂城是以殉難捐軀偉烈早垂於

國史綜計平生之實行洵爲斯邑之鴻才聲譽猶存時切謳歌於寰宇輿情悉協宜邀祀典於春秋爰據籲懇之詞特作鄉賢之請合將呈到事實冊結加具結看詳請核轉等情到司據此該蘇州布政司恩錫核看得殉難湖北棟發委用知縣王恩綬方正持躬清廉勵已以純儒作循吏著偉烈於鄂垣卒能移孝作忠正氣一門全大節捐軀報

國丹心千古稱完人統核平生實行洵爲潛德幽光既垂聲教於儒林允推眾望宜沐鄉賢之祀典以順輿情茲據該縣學造具事實冊結由府加具結看請轉前來相應加看同冊結具文轉詳伏候

題請入祀無錫縣鄉賢祠等情到臣據此該臣看得殉難湖北棟發委用知縣王恩綬立品端方持躬謹慎雖無守土之責早存授命之心忠孝義萃於一門昭然大節知仁勇成於三德卓爾超羣芳徽永著於春秋正氣長留於荆楚綜覽畢生志行輝

疏

四

映鄉閭宜邀

盛世褒榮長垂俎豆茲據蘇州布政使恩錫取具事實冊結詳請核辦前來臣覆核無異除冊結揭送禮部科查核外謹會同兩江總督臣李宗義江蘇學政臣彭久餘合詞恭疏具

題伏乞

皇上聖鑒敕部議覆施行謹

題請

旨

同治十三年正月二十八日奉

旨該部議奏欽此

疏

五

事實

一本紳諱恩綬字佩綸號樂山江蘇常州府無錫縣人由恩貢生中式道光己酉科順天鄉試舉人庚戌考取教習咸豐元年補左翼宗學教習四年期滿奉

旨以知縣用時湖北省請揀發奉

旨發往湖北委用五年二月十七日在湖北省城守城殉

難奉

旨加等優卹

事實

贈知府銜

給予雲騎尉世職襲次完時給予恩騎尉世襲罔替

賜祭葬

國史館立傳入祀本籍及殉難地方府城昭忠祠並

先後奉

旨准於本籍及殉難地方建立專祠

賜諡武愍子燮附生議敘從九品隨同殉難庭楨副榜

三品銜湖北候補知府江夏縣知縣兼襲雲騎尉

廣陞五品銜候選縣丞立坊鹽提舉銜候選通判